

BATAKURU PUULUSA DIMMURU HAA E BE TESALONII BEN

¹ Immorde e an min Puulusa, wondude e Silaasi e Timotee, haa e ngal *moftal wongal Tesalonii humondirngal e Alla Baaba men, e Iisaa Almasiihu Joomi on: ² yo moyyere e buttu wonan on immorde e Alla Baaba men, e Iisaa Almasiihu Joomi on.

Fii no Alla Naawiroyta Yimbe ben

³ Meden haani, yo musibbe, duumaade e jarnugol Alla fii mon, d'un-le ko ko feewi, ko fii gomfinal mon ngal no beydaade, awa kadi giggol ngol yidindirdon ngol ko e beydaade tun woni. ⁴ E hoore d'un, meden mantorde on e nder mofte Alla den, sabu njanjaare mon nden e gomfinal mon ngal e nder cukkande de cukkadon den fow e satteendeeji di wakkilidon din.

⁵ Awa, ko d'undoo woni seedee naawoore Alla feewunde nden, fii no woniron rindanbe *laamu Alla ngu wondon tampande ngun. ⁶ Ko fii no feewi yeeso Alla ka o yottorana on bee wonbe on tampinde tampere, ⁷ e ka o yeda on buttu, onon tampinaabe ben, wondude e amen, nde Iisaa Joomi on feenoyi ka kammu, wondude e malaa'ikaabe dolnube ben ⁸ e hakkunde joyngol yiite, fii yaggingol be andaa Alla ben e be doftanooki Kibaaru Mooyo Iisaa Joomi men on. ⁹ Be lettiree halakuyee poomayankeejo,

be wodditoo Joomi on e mangu bawgal makko ngal ¹⁰ nde o aroyi e nden nalaande, fii yo o darjine immorde e laabube makko ben, o mugina gomdinbe ben fow. Onon kadi, on gomdinii ko men seeditanii on kon. ¹¹ Ko d'un wadi, meden duumaade e toranagol on, fii no Alla men on wadira on rindanbe ngurndan dan o noddiri on dan, e no o laatinira e mon kala ebbooje moyye e kuude gomfinal mon ngal tippude e bawgal makko ngal, ¹² fii no innde Iisaa Joomi men on mawniniree e mon, e no onon kadi mawniniredon e makko, sabu sulfu Alla men on e Iisaa Almasiihu Joomi on.

2

Fii Aaden Bondo on

¹ Fii ardu Iisaa Almasiihu Joomi on, e mottondiral men ngal e makko, men torike on, yo musibbe, ² wota on jabu berde mon yaawee jiibeede, maa aaniniredon wi'ugol nalaande Joomi on hewtii. Hay si goddo wi'ii on ko Alla longini men maa ko nelal maa ko batakuru ko iwri e amen, wota on hulu. ³ Wota hay gooto faljinir on noone woo, ko fii nden nalaande arataa ado murtaldu ndun wadsude, e feenugol aaden bondo on, on muuyanaado hayrugol, ⁴ d'un ko on dartotoodo immoo daroo e hoore kala ko neddanke inni ko alla e hoore kala ko rewetee, o yaha haa o joodoyoo ka juulirde Alla mawnde, o wi'itoo kanko tigi Alla.

⁵ On anditaali mido wowlanaynoo on d'un, wa fewndo ko mi wondi e mon? ⁶ Jooni non hidfon andi tigi ko tongi mo, fii yo o feenu e saa'i makko

on, ⁷ ko fii fewndo doo, doole bondé suudiide
den no gollude, ko woni tun fewndo doo goddo
no hadi de taho haa o dira. ⁸ Ko onsay non aaden
bondó on feepata. Iisaa Joomi on muliray mo
wuttugol, o muncira mo jalbeendi ardu makko
ndun kanko Iisaa. ⁹ On aaden bondó ardoay
e kuude Ibuliisa, o wada noone kaawakeeji e
maandeeji e kuude fenaandeeje, ¹⁰ o huutoray
kala noone bone fii faayingol wonbe mulude
ben, bay be jabaali yidude goonga on fii no
be dandiree. ¹¹ Ko d'un wadi si Alla kadi
accidi be e doole daynooje fii no be gomdfinira
fenaande nden, ¹² fii no yidube angal peewal
ngal, gomdfinaali goonga on ben naawiree.

Fii Tabital be Tesalonii ben

¹³ Telen-ma amen menen, yo musibbe be
Joomiraadó on yidi, meden haani duumaade e
jarnugol Alla fii mon, ko fii Allaahu on subino
on gila ka fudsdoode fii kisiyee ona, e hoore
*labbínirgol on Ruuhu Allaahu on e gomdingol
goonga on. ¹⁴ Ko d'un o noddiri on Kibaaru
Mooyo mo men fejninaní on on, fii no hebiron
gebal ka mangu Iisaa Almasiihu Joomi on. ¹⁵ Ko
d'un wadi, yo musibbe, wonee tabitube, jog-
itodon janndeiji di men janni on din, woni non
ko e kongudi, woni e bataake. ¹⁶ Yo Iisaa Al-
masiihu Joomi men on tigi, e Alla Baaba men, on
Yidsudo en, yedi en wakkilaare poomayankeere
e tama'u moyyo immorde e sulfu makko on,
¹⁷ wakkilin berde mon den, tabintina on e kala
kuugal e kala kongol moyyol.

a **2:13 2.13 Maa:** ko fii Allaahu on suborno on wa dikkuruuße
fii kisiyee on.

3*Puulusa Landii be Tesalonii ben Torndeeji*

¹ Ka rawnoode, yo musibbe, toranee men fii no daaluyee Joomiraado on lollira e no mawniniree, wano o lolliri e mawniri ka mon non, ² fii no men dandiree boyliibe ben e bonbe ben, ko fii hinaa fow mari gomdfinal. ³ Kono Joomiraado on ko Sella-Finddeejo, o tabintinay on, o hisina on bondo on. ⁴ Joomiraado on no okki men hoolaare e telen-ma mon wonde hidon wadude, on wadoyay kadi ko men yamiri on kon. ⁵ Yo Joomiraado on ardo berde mon den e fee giggol iwrungol e Alla e njanjaare iwrunde e *Almasihu on.

Hajannde fi Puyndan

⁶ Men yamirii on e innde Iisaa Almasiihu Joomi men on, yo musibbe, yo on woddfito kala musidfo wuурudo e nder puyndan, ko yaadaa e jannde nde hendordon men nden. ⁷ Ko fii hidon andi onon tigi ko honno jembirton men, ko fii men wuурiraali puyndan hakkunde mon. ⁸ Men jabaali goddo fawtoo men jaametee nii tun, kono ko e nder golle sattude e yangi men golliri jemma e nalorma, fii wota men wonan hay gooto e mon dongal. ⁹ Wonaa fii hari dun no haanani men men wadiri dfun, kono men faalano on accirde menen tigi noone mo nembon. ¹⁰ E hoore dfun, fewndo ko men wonnoo ka mon, men wadanno on ndee yamiroore doo: kala on saliido gollude, wota jaamu kadi!

¹¹ E hin-le men nanii wo়be e hakkunde mon no jokki puyndan, hibe jokki ko wonaa haaju

mabbe edii be gollude. ¹² Men torike ben yimbe, men jeejirii be Iisaa Almasiihu Joomi on, yo be gollu e nder buttu, be jaama ko be to'ani hooore mabbe kon. ¹³ Onon non, yo musibbe, wota berde mon maayan wadugol ko moyyi.

¹⁴ On mo doftaaki ko men wi'i kon e nduu batakuru, haray maandinee fii makko. Wota on huuwondir e makko huuwondiral woo, fii yo o hersu. ¹⁵ Wota on jogor mo non wa gajno, kono hajoree mo wa musiddo mon.

Fii Waynitanne nden

¹⁶ Yo Joomiraado, Jom Buttu on, yedu on buttu kanko tigi saa'i kala e noone kala. Yo Joomiraado on wondu e mon on fow.

¹⁷ Min Puulusa, mi salminirii on jungo an ngon tigi. Ko maande an nden woni e nder bataake an den fow, e hino bindi an din. ¹⁸ Yo moyyere Iisaa Almasiihu Joomi men on wonu e mon on fow.

**Version Pular Fuuta-Jallon
The New Testament in the Fouta-Jallon Pular
language of Guinea**

copyright © 2010 Pioneer Bible Translators

Language: Pular

Translation by: Traducteurs Pionniers de la Bible

Contributor: Pioneer Bible Translators

This translation, published by Pioneer Bible Translators, was published in 2011.

If you are interested in obtaining a printed copy, please contact wab.admin@pbt.org.

The translation was completed in collaboration with Christian Reformed World Mission.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

 You include the above copyright and source information.

 You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2018-02-06

PDF generated using Haiola and XeLaTeX on 11 Nov 2022 from source files dated 29 Jan 2022

024b8126-79ef-5039-bc54-7d61889f8ae6